

元詩別裁集中

柳田文庫

文庫11

D 146

2

5

10

15

文庫 11
D 146
2

柳田泉文庫

48-11901

010190553480

元詩別裁集卷三

姚培謙述齋

雲間張景星二銘點閱

王永祺補堂

七言古

冷泉亭

周權

昔人來自天竺國，縹緲孤雲伴飛錫。天
風吹落凝不去，化作奇峰聳空碧。至今

元詩別裁集卷三七古



裂峽餘雲籠桂冷松香流未已。翠光圍住。玉壺秋不放晴雷度山趾。道人宴坐無生滅炯炯層胸照冰雪。夜深出定汲清冷。寒猿曉斷西巖月。

題晴川圖

岑安卿

清溪粼粼生淺花。曉日倒射搖金沙。翩然雙鷺下危石。玉雪照影無纖瑕。溪邊小景入圖畫。青煙綠樹漁翁家。漁翁歸

來歌才終。鷺鷥忽起蘆花風。回眸遙望不可極。但見白玉飛青空。昔年夜宿瀟湘浦。徹曉不眠聽急雨。解衣曳杖立沙頭。何似今朝得容與。長安馬寒泥沒腹。雪滿朝衣凍肩縮。試令援筆題此圖。長篇應賦歸來曲。

楊花吟

胡天游

吳江春水拍天涯。江上風吹楊柳花。花

飛滿空無處所。隨風直渡吳江水。渡水
隨風太有情。縈花惹草恣輕盈。狂如舞
蝶穿花徑。細逐流鶯度綺城。綺城樓閣
連天際。楊花飛入千門去。飛去飛來稍
覺多。紛紛如雪奈君何。珠簾繡箔深深
見。舞榭妝樓處處過。樓中美人春睡起
愁見楊花思蕩子。蕩子飄零去不歸。楊
花歲歲點春衣。夢魂不識天涯路。願作
楊花片片飛。

天馬行應制作并序 周伯琦

至正二年歲壬午七月十有八日。西
域拂郎國遣使獻馬一匹。高八尺三
寸。修如其數而加半。色漆黑。後二蹠
白。曲項昂首。神俊超逸。視它西域馬
可稱者。皆在羈下。金轡重勒。馭者其
國人。黃鬚碧眼。服二色窄衣。言語不

可通以意諭之。凡七度海洋始達中國。是日天朗氣清。相臣奏進上御慈仁殿臨觀稱歎。遂命育於天閑。飼以肉粟酒醢。仍敕翰林學士承旨臣夔夔命工畫者圖之。而直學士臣揭傒斯贊之。蓋自有國以來未嘗見也。殆古所謂天馬者邪。承詔賦詩題所圖畫。臣伯琦謹獻詩曰。

飛龍在天今十祀。重譯來庭無遠邇。川珍嶽貢皆貞符。神駒躍出西洼水。拂郎慕爾不敢留。使行四載數萬里。乘輿清暑灤河宮。宰臣奏進闈闈裏。昂昂八尺阜阜偉。首揚渴鳥竹批耳。雙蹠縣雪墨漬毛。疏駿擁霧風生尾。朱英翠組金盤陀。方瞳夾鏡神光紫。聳身直欲凌雲霄。盤辟丹墀却閑顧。黃鬚圍人服。左詭羈

鞞如縈相諾唯羣臣俯伏呼萬歲初秋
曉霽風日美九重洞啓臨軒觀衮衣晃
耀天顏喜畫師寫做妙奪神拜進御牀
深稱旨牽來相向宛轉同一入天閑誰
敢齒我朝幅員古無比朔方鐵騎紛如
螳山無氛稜海無波有國百年今見此
崑崙八駿遊心侈茂陵大宛黠兵紀聖
皇不却亦不求垂拱無為靜邊鄙遠人

莫化致壤奠地角已如天尺只神州首
藉西風肥收斂驕雄聽驅使屬車歲歲
幸兩京八鸞承御壯瞻視駟虜麟趾並
樂歌越雉旅葵盡風靡迺知感召由真
龍房星孕秀非偶爾黃金不用築高臺
髦俊聞風一時起願見斯世皞皞如義
皇按圖畫卦復茲始

白苧舞詞

張憲

元詩別集卷三十一
吳宮美人青犢刀。自裁白苧製舞袍。輕
雲冉冉白勝雪。激楚一曲回風高。九雛
鳳。斂笏紫玉長裾窄。腰蓮步促。翩翩素
袖啓朱櫻。金籠鸚鵡飛來熟。館娃樓閣
搖春暉。臺城少年醉忘歸。謫意綺戶鎖
風色。桃樹日長蝴蝶飛。傾城獨立世希
有。罷吟綠水停楊柳。急管繁絃莫苦催。
真珠賸買烏程酒。

二月八日遊皇城西華門外觀嘉

李弟走馬歌

春風騷城紫燕飛。繡鞍寶勒生光輝。軟
沙青草平似鏡。花雨滿巾風滿衣。潛蛟
雙縮玉抱吐朱鬣。分光散紅霧。金龍五
爪蟠彩袍。滿背真珠撒秋露。生獲俊健
雙臂長。左脚踏鎧右蹴韁。銅鏡四扇遶
十指。玉聲珠碎金琅璫。黃蛇下飲雷掣

地錦鷹打兔起復墜神雲突方鞍面空
銀甕駝囊兩邊鎚西宮綵樓高插天鳳
凰繚繞赫神仙玉皇拍闌誤一笑不覺
四。號如逆煙神駢長鳴背疑血郎君轉
面醉眼纈天恩翦下五色雲打鼓歸來
汗如雪

此庭宣元杰西番刀歌此刀乃江

西州佩者

金神起持水火齊煅鍊陰陽結精銳七
月七日授冶師手作鉗鎚股為礪一千
七百七十鋒脊高體狹刀口洪龍飛蛟
化歲月久阮師舊物今無蹤呱哇繡鑲
祭可曲東倭純鋼不受觸賢侯示我西
番刀名歷古今刀劍錄三尖兩刀圭首
圓劍脊黑點生黑煙朱砂斑痕點人血
雕青皮軟金鈎聯唐人寶刀誇大食於

西州佩者

元詩別表卷之七
今利器稱米息十年土淵松枝生戎王
造時當月蝕平章遺佩固有神朱高固
始多奇勳三公重器不虛授往繼王祥
作輔臣

鴻門會

楊維禎

天迷關地迷戶東龍白日西龍雨撞鐘
飲酒愁海翻碧火吹巢雙狹狷暗言范增項莊
照天萬古無二塢殘星破月開天餘訛

沛公當獨王天下羽不得分也座中有客天子氣左股
七十二子連明珠軍聲十萬振屋瓦拔
劍當人面如楮將軍下馬力拔山氣卷
黃河酒中鴈劍光上天寒彗殘明朝晝
地分河山將軍呼龍將客走石破青天
撞玉斗

廬山瀑布謠并序

甲申秋八月十六夜予夢與酸齋仙

客游廬山各賦詩。酸齋賦彭郎詞。予

賦瀑布謠。

銀河忽如瓠子決。馮諸五老之峯前。我
疑天仙織素練。素練脫軸吐青天。便欲
手把并州剪。剪取一幅玻璃煙。相逢雲
石子。有似捉月仙。酒喉無耐夜渴甚。騎
鯨吸海枯桑田。居然化作十萬丈。玉虹
倒挂清冷淵。

過歌風臺

張昱

世間快意寧有此。亭長還鄉作天子。沛
宮不樂復何為。諸母父兄知舊事。酒酣
起舞和兒歌。眼中盡是漢山河。韓彭受
誅。鯨布戮。且喜壯士今無多。縱酒極歡
留十日。感慨傷懷涕沾臆。萬乘旌旗不
自尊。魂魄猶為故鄉惜。從來樂極自生
哀。泗水東流不再回。萬歲千秋誰不念。

古之帝王安在哉。漢家社稷四百年。荒臺
度秋風。灞陵雨。猶是開基處。

劉君元暉八月十四日邀余翫月

快雪齋中命余詩因賦

倪瓚

卷簾見月形。神清疑是山陰夜。雪明長
歌欲覓剡溪載。悵然停杯遠恨生。蘭營

茅齋名快雪。邀我吹笙弄明月。明星如
銀浮翳消。垂露成唯桂花發。酒波蕩漾
天河傾。笙聲嫋嫋秋風咽。古人與我不
並世。鶴思鷗情迴愁絕。

古金城謠并序

周霆震

國家承平百年。武備浸弛。盜發徐頑
熾於漢淮。武昌南紀雄藩。一旦灰滅
洪省堅壁。寇蔓延諸郡。水陸大牙北

來名將相繼道殞丞相出柩步騎直
抵高郵事垂成以讒廢方面多貴遊
子弟貪鄙庸才虛張戰功肆意罔上
誅求寬濫慘酷百端重以吏習舞文
旁羅鷹犬意所欲陷即誣與賊通其
弊有不忍言者間存一二廉介則又
於獨斷昧遠圖坐失機會民日以敝
盜日以滋廬壽舒三州屏蔽上流廬

壽既沒舒獨當鋒鏑之衝至正十年
壬申進士余闕以淮西元帥之節來
鎮廣設方略招徠補葺備戰守豐軍
儲賊飲恨不得逞朝廷嘉其功授淮
南參知政事自是日與賊遇受圍凡
四十有二大小二百餘戰江西賴以
苟安坐視弗援十八年正月丙午城
遂陷公一門爭先赴死闔郡無一生

言別卷之三
降賊黨舉手加額稱余元帥天下一
人購得其尸城下池中禮葬之傷哉
寄痛哭於長歌使後人哀也
昆侖烈風撼坤軸日車斂轡咸池浴六
龍飲渴呼不聞赤螿爭噬厭人肉荆襄
弗支廬壽孤江東掃地如摧枯忠臣當
代誰第一七載舒州天下無東南此地
關形勝天柱之峰屹千仞當年赤壁走

曹滿天為孫吳產公瑾我公千載遙相
望崎嶇恒以弱擊強孤城大小二百戰
食盡壯拜天無光當關援劍蒼龍吼盡
室肯汚敵黨手摧鋒闔郡無生降群盜
言之皆稽首堂堂省憲羅公卿建官分
闡日募兵哀哉坐視無寸策遂使流血
西江平向來不曉皇穹意名將南征死
相繼一時貪暴聚庸才玩寇偷安饗富



貴河。流浩浩。龍門。西。燕山。萬。騎。攢。霜。蹄。
英雄。暴。骨。心。未。死。去。作。海。色。催。朝。雞。玉
衣。飛。舞。空。中。見。太。息。孤。忠。塵。百。戰。五。陵
元。氣。待。天。還。睢。陽。誰。續。中。丞。傳。

金谷行

楊奐

洛陽園池天下無。金谷近在西城隅。晉
時花草不復見。野人猶解談齊奴。齊奴
豪華誰比數。酒醒愛擊珊瑚株。後堂春

風滿桃李。中有一枝名綠珠。千金買步
障。百金買纓輸。時時吹笛替郎語。雲窓
霧戶長歡娛。層階欲下須人扶。豈料一
日能捐軀。紅飛玉碎頃刻裏。空使行客
悲躊躇。踏樓頭。小婦感恩死。君臣大義當
何如。

河間府

陳孚

北風河間道。沙飛雲浩浩。上有銜舊不

鳴之寒雁。下有隕霜半死之秋草。城外
平波青黛光。大魚跳波一尺長。牧童吹
笛。楓葉裏。疲牛倦馬眠夕陽。有禽大如
鶴。紅喙搖綠煙。路人指我語。佶光信天
緣。我生功名付樽酒。衣如枯荷馬如狗。
為問天緣可信否。旂亭擊劍寒蛟吼。

居庸疊翠

斷崖萬仞如削鐵。鳥飛不度苔石裂。嗟

呀。枯木無碧柯。六月太陰飄急雪。寒沙
茫茫出關道。駱駝夜吼黃雲老。征鴻一
聲起。長空風吹草。低山月小。

邕州

左江南下一千里。中有交州墮鳥水。右
江西繞特磨來。鱷魚夜吼聲如雷。兩江
合流抱邕管。莫久氣候三春暖。家家榕
樹青不凋。桃李亂開野。花滿。蟻蛇挂屋。

晚風急。熱霧如湯。滅衣。淫萬人塚上。蛋
子眠。三公亭下。鮫人泣。驛吏煎茶。菜蕒
濃。檳榔口吐猩血。紅。颯然毛竅。汗為雨。
病骨似覺。收奇功。平生所持一忠壯。荒
嶠何殊玉階上。明年歸泛兩江船。會酌
清波洗炎瘴。

邯鄲行

傅若金

邯鄲城頭下白日。邯鄲市上風蕭瑟。故

壘空餘鳥雀悲。荒垣只見狐狸出。何王
墳墓對山阿。尚憶諸侯征戰多。趙客歸
來重毛遂。秦軍老去畏廉頗。黃塵白草
宮前道。鬼火如燈夜相照。公子秋來不
見過。美人月下那聞笑。當時冠蓋激浮
雲。搗鐘考鼓宴青春。只今惟有郵亭樹。
還送年年行路人。

送華山隱歸西湖故居

方士求仙入滄海。十二城樓定何在。金
銅移盤露滿天。琪樹離離人不采。軒轅
高拱聖明居。群仙真人左右趨。青牛谷
口迎紫氣。白鶴洞中傳素書。珊珊鳴佩
星辰遠。寂寂珠庭雲霧虛。修髯如漆古
仙子。玉林芙蓉染秋水。九關高塞不可
留。歸去江湖種蘭芷。山頭宮殿風玲瓏。

王士熙

卒。孫飛來。千尺松間。房誦經鐘。磬響石
壁。題詩苔蘚封。欲向君王乞祠祿。安排
杖屨來相從。

江南曲

成廷珪

吳姬當壚新酒香。翠綃短袂紅羅裳。上
盆十千買一斗。三杯五杯來勸郎。落花
不解留春住。似欲隨郎渡江去。酒醒一
夜怨。嗥鷓鴣。明日蘭舟泊何處。

元詩別裁集卷之三十一

六

長江送別圖送周平叔之通州丞
福山蒼蒼倚天碧。狼山峴峴生鐵色。兩
山當江作海門。力盡神鞭驅不得。滄波
萬里從西來。楚尾吳頭天一壁。陰風轉
地鯨怒。黑霧連空龍起立。來舟去楫
不敢動。袖手傍觀唯歎息。扶桑浴日飛
上天。百怪潛消杳無迹。水光鏡淨山亦
佳。目送雲帆高百尺。青霄要路君既官。

白首窮塗我猶客。煙中隱隱見孤城。令
我思鄉心轉劇。驪駒歌罷將奈何。倚杖
江南望江北。

送羅與敬歸西昌 劉永之

石龍磯畔多芳草。遊子憶家春已老。水
杜楊花撲地飛。旁人謾道飛花好。愛子
不忍別。送子到水濱。青天孤影飛黃鵠。
落日長風吹斷雲。朝發銅塘津。莫宿青

泥渡帆過孝通祠。漸是西昌路。金魚洲。
遠樹青青。三顧浮煙生杳冥。石扶壞道。
通高閣。水齧危沙。見古城。君家正在何
方。住。獨有園廬俯江渚。昨夜深閨夢。遠
人相思。定倚櫻桃樹。

送李彥明歸高郵 謝應芳

老夫歸從東海頭。春風送客歸秦郵。出
門復覩雁北鄉。物我喜得同悠悠。吳船

鼓櫂渡江去。烏輪正挂扶桑樹。桃花倚
岫笑相看。杜宇催人啼不住。征袍十年
塵土多。濯纓今年滄浪歌。一百五日寒
食雨。三十六湖春水波。交游臺榭翦荆
棘。繼美前修集佳客。誰能喚起老龍眠。
重寫耳孫湖上宅。

題道士張湛然彈琴詩卷

汪克寬

言別集卷三
六
嶧山白桐千年枝。金星爛爛蛇蛻皮。文
光七軫藍田玉。冰絃細繞吳蠶絲。丹山
雲暖鳳皇語。露草寒蛩訴秋雨。娥英泣
灑湘筠斑。遷客相逢話羈旅。翠巖懸瀑
鏘瓊瑤。雷霆霹靂轟層霄。瞰波細萍浮
蕩漾。劈空輕絮飛飄颻。仙林唳鶴驚離
別。老龍湫底吟寒月。海門送上子胥潮。
澎湃奔騰卷殘雪。羽人瀟灑顏如仙。馮

虛來往黃山巔。古音泔洗箏琴耳。何須
更濯丹砂泉。

客邸中秋對月

朱希晦

去年中秋秋月圓。浩歌對酒清無眠。煙
霏滅盡人境寂。仰看明月懸中天。今年
客裏中秋月。靜挹金波更清絕。可憐有
月客無酒。不照歡娛照離別。夜闌浙浙
西風涼。月中老桂吹天香。悠然長嘯動

歸興。坐久。零露沾衣裳。浮世悲。惟何足。
歎。庾樓亦壁。俱塵土。風流已往。明月來
山。色。江。聲。自。今。古。

新郭

周砥

汎舟。越來。溪水。旁。溪邊。暮色。何蒼蒼。主
人。張筵。揮羽觴。吳姬。唱歌聲。抑揚。船尾
挑燈。大魚出。船頭。洗觥。秋波。涼。夜如何
其夜。未央。萬壑。不起。星煌煌。酒闌。客過

別船去。木葉蕭蕭下。如雨。船中醉臥忘
西東。睡覺猶聞夢中語。此時月落天將
曙。隔屋雞啼。欲起舞。西風滿天。鴻雁聲。
瑟瑟。菰蒲響。秋渚。

元詩別裁集卷四

姚培謙述齋

雲間張景星二銘點閱

王永祺補堂

五言律

少室南原

元好問

地僻人煙斷。山深鳥語譁。清溪鳴石齒。暖日長藤芽。綠映高低樹。紅迷遠近花。

元詩別裁集

卷四 五言律

林間見雞犬。真擬是仙家。

九月晦日王邨道中

水涸沙仍溼。霜餘草更幽。煙光藏落景。山骨露清秋。坐食知何益。行吟只自愁。隨陽見鴻雁。三嘆惜淹留。

八月并州雁三時作

八月并州雁。清汾照旅羣。一聲驚晚笛。數點入秋雲。滅沒樓中見。哀勞枕畔聞。

南來還北去。無計得隨君。

乙卯十一月往鎮州

邨靜鳥聲樂。山低雁影遙。野陰時澗朗。冷雨只飄蕭。涉遠心先倦。衝寒酒易消。紅塵忘南北。渺渺見長橋。

治圃雜書

方回

芍藥抽紅銳。茶蘼綻綠長。幾家蠶落紙。比屋燕分梁。穀雨深春近。茶煙永日香。

乙卯十一月五日

詩成懶磨墨。拄杖畫苔牆。

茗溪

戴表元

六月茗溪路。人言似若邪。漁層挂椶樹。酒舫出荷花。碧水千盞共。青山一道斜。人間無限事。不厭是桑麻。

西州即事

黃庚

一雨洗空碧。江城獨倚樓。山吞殘日沒。水挾斷雲流。燈影深邨夜。鐘聲古寺秋。

西州舊遊地。十載此淹留。

春日即事

扶杖行幽徑。園林欲莫天。錦棠紅濯雨。絲柳綠縹煙。春事忽三月。風光又一年。客懷正愁絕。那復聽啼鴉。

書山陰驛

迢遞三山道。重來感舊遊。潮聲寒帶雨。山色淡生秋。寄驛通鄉信。題詩記旅愁。

江湖十年客。兩度到西州。

鶴林仙壇寺

古壇歸鶴杳。野鹿自成羣。嵐氣浮清曉。
鐘聲出白雲。樹穿僧屋老。水到寺門分。
人世無窮事。山中了不聞。

長蘆舟中夜坐

尹廷高

故國五千里。孤帆四十程。客懷偏浩蕩。
鄉夢不分明。萬折河流曲。三更斗柄橫。

不眠方宴坐。野寺又鐘聲。

魚樂樓

趙孟頫

樓下南來水。清冷百尺深。菰蒲終夜響。
楊柳半谿陰。日月驅人世。江湖動客心。
向來歌舞宴。達曉看橫參。

大都遇平江龍興寺僧聞上座話

唐慕母潛宿龍興寺詩因次其韻

聞說龍興寺。多年未款扉。風林發松籟。

元詩別表集卷四
四
雨砌長苔。殿古燈光定。房深磬韻微。
秋風動歸興。一錫向空飛。

贈瑛上人住洞林 袁 楠

托鉢千巖裏。松花凍未開。哀猿依講席。
飢鳥下生臺。潭影留雲定。鐘聲送月回。
山中太古雪。為寄一瓢來。

洪董仁甫之西臺幕

馬祖常

西南萬里地。詔屬大行臺。秦樹浮天去。
巴江帶雪來。山河無用險。邦國正需才。
臺幕風流美。書籤想盡開。

槍竿嶺

貢 奎

薄宦辭家遠。經秋未得歸。直隨山北去。
却背雁南飛。川淨白雲起。郊平紅樹微。
憶曾留宿處。立馬認還非。

荻港早行

許有壬

水國宜秋晚。羈愁感歲華。清霜醉楓葉。
淡月隱蘆花。漲落高低路。川平遠近沙。
炊煙青不斷。山崦有人家。

寄丁卯進士薩都刺天錫

鎮江錄
事宣差

虞集

江上新詩好。亦知公事閑。投壺深竹裏。
繫馬古松間。夜月多臨海。秋風或在山。
玉堂蕭爽地。思爾佩珊珊。

師東谷懷城中諸友

范梈

契濶遽如許。淹留空復情。天遙一鶴上。
山合百蟲鳴。異俗嗟何適。冥棲得此生。
平居二三子。今夜隔重城。

黃尊師高軒觀鵝因留宿

揭傒斯

開軒南嶽下。世事未嘗聞。落葉常疑雨。

方池半是雲。偶尋騎鶴侶。來此看鵝羣。
一夜潺湲裏。秋光得細分。

衡山縣曉渡

古縣依江次。輕輿落岬隈。鳥衝行客過。
山向野船開。近嶽皆雲氣。中流忽雨來。
何時還到此。明月照沿洄。

寄方韶文先生

黃潛

軍落江南賦。知音寄渺茫。庶麋行處有。

芝草夢中香。道與滄溟闊。悲歌白髮長。
平生今古淚。滴破綠蘿裳。

初至寧海二首

地至東南盡。城孤邑屢遷。行山雲作路。
累石海為田。蜃炭邨邨白。櫻林樹樹圓。
桃源名更美。何處有神仙。

縹緲蛟龍宅。風雷隔杳冥。人家多面水。
島嶼若浮萍。煮海鹽煙黑。淘沙鐵氣腥。

停驂方問俗。漁唱起前汀。

同楊仲禮和袁集賢上都詩

柳貫

出塞行瞻日。趨朝喜近天。離宮開苑囿。
馳道絕風煙。瑤水迥非遠。峒山歷更懸。
甘泉多法從。獻賦憶當年。

昔建寰中業。初開徼外山。雉城平兀兀。
沙水淨灣灣。朱夏宸游正。清秋武衛閑。

叨陪文學乘。空媿鬢毛斑。

幄殿層雲障。轅門積雪峰。奇鷹皆戴角。
御馬盡飛龍。瀚海將臨幸。云亭望陟封。
青邱大羽獵。有事待冬冬。
水草方方善。弓弧戶戶便。合圍連婦女。
從成到會多。雪毳千家帳。冰瓢百眼泉。
浚稽山更北。長望斗光懸。

用韻寄龍江

薩都刺

之子金山去。梅天霧氣沉。海風吹浪急。
江雨入樓深。火盡無茶味。更長過燭心。
明朝好晴色。應是寄新吟。

送人之浙東

我還京口去。君入浙東遊。風雨孤舟夜。
關河兩鬢秋。出江吳水盡。接岬楚山稠。
明日相思處。惟登北固樓。

閩中苦雨

病客如僧懶。多寒擁毳裘。三山一夜雨。
四月滿城秋。海瘴連雲起。江潮入市流。
釣竿如在手。便可上漁舟。

送南臺從事劉子謙之遼東

往復一萬里。嗟君已兩行。朔風吹野草。
寒日下邊城。策馬犯霜雪。逢人問路程。
歸期在何日。應是近新正。

山中懷友

自是麒麟種。單棲又幾年。故廬南雪下。
短褐北風前。歲莫山林瘦。天高雨露偏。
惟應丈夫志。未受故人憐。

遊梅仙山和唐人韻

仙人不可見。借鶴過仙家。夜臥千峰月。
朝餐五色霞。祠空風掃葉。人去鹿銜花。
歸隱知何日。分鑪學鍊砂。

李翰林墓二首

宋 元

嗜酒傲明時。何因賀監知。承恩金馬詔。
失意玉環詞。名與三閭並。身將四皓期。
匡山有書讀。應亦嘆歸遲。
一騎紫鯨去。空掩謝山塋。落月今誰吊。
長庚夜自明。乾坤沉秀氣。江水帶哀聲。
天上多官府。文章不可輕。

南峰宴坐僧

空巖槁木形。入定掩松扃。鷲供銜來果。

猿看誦罷經。雲霞埋衲重。苔苔鮮上鞵青。
只有樵人識。曾因採茯苓。

銅陵五松山中

樵聲聞遠林。流水隔雲深。茅屋在何處。
桃花無路尋。身黃松上鼠。頭白竹間禽。
應有仙家住。避秦來至今。

寄題無照西園

近地樓禪。三祇園草木薰。鞵香花洞雨。

衣潤石闌雲。松吹和琴雜。茶煙到樹分。
遙知道林輩。來此論參叉。

丹青小景山水

張翥

沙禽毛羽新。來往采桑津。野水白石於草。
桃花紅照人。裴回遠山莫。窈窕江南春。
芳思不可極。悠然懷釣綸。

南城咏古

迺賢

落日燕城下。古臺草樹秋。千金何足惜。

一。士。固。難。求。滄。海。誰。青。眼。空。山。盡。白。頭。
還。憐。易。河。水。今。古。只。東。流。黃金臺

夢。斷。朝。元。閣。來。尋。賣。酒。樓。野。花。迷。輦。路。
落。葉。滿。宮。溝。風。雨。青。城。暮。河。山。紫。塞。愁。
老。人。頭。雪。白。扶。杖。話。幽。州。壽安殿今為酒家壽安樓

題官舍壁

吳自道

官。舍。年。年。裏。迎。秋。氣。已。清。池。爛。明。鶴。影。
林。雨。斷。蟬。聲。紅。惜。芙。容。落。青。憐。薜。荔。生。

今朝少公事。吟嘯且怡情。

郭外

周一權

郭。外。人。家。少。魚。邨。颺。酒。旗。江。雲。低。壓。樹。
沙。竹。細。穿。籬。地。暖。梅。花。早。天。寒。潮。信。遲。
夕。陽。煙。景。外。倚。杖。立。移。時。

意行

略。約。三。家。市。溪。迴。野。路。分。輕。嘍。啼。竹。露。
宿。雨。落。松。雲。山。寺。依。巖。見。邨。春。隔。隴。關。

欣欣農事集。聊得狎鷗羣。

石門曉行

方瀾

風高木葉脫。從此曉寒新。積雨見初日。遠山如故人。煙邨一葦渡。野寺數家隣。獨念行藏異。沙鷗未我馴。

遊洞嶺寺

盧琦

古寺藏煙樹。巖扉晝不扃。日高花散影。風定竹無聲。稚子添香火。閑僧閱藏經。

新詩吟未就。獨向殿階行。

鉛山早行

黃鎮成

早起辭林館。鄰雞已再鳴。月弦當戶直。斗柄插山高。細濕侵藜杖。輕寒襲布袍。前趨東日上。五色動雲濤。

九月一日還自上海途中紀事

周伯琦

北口七十二。居庸第一關。峭崖屏列翠。

元詩別裁集卷四十五律

急澗玉鳴環。俯閣騰雲霧。人家結市閭。
馬前軍吏候。使節幾時還。

紀行詩

車坊尚平地。近嶺晝生寒。拔地數千丈。
凌空十八盤。飛泉鳴亂石。危磴護重關。
俯視人寰隘。真疑長羽翰。
萬幕懸崖下。高低疎復稠。剝牆聯虎衛。
幄殿聳龍樓。榆柳清長晝。槐松颯早秋。

威容隆古昔。神武鎮中州。

寄中山隱講師

張憲

問訊山中隱。中山第幾重。風廊巡夜虎。
雲鉢聽經龍。流水千溪月。寒巖一樹松。
無因淨杏澤。來共上堂鐘。

荒邨

倪瓚

踽踽荒邨客。悠悠遠道情。竹梧秋雨碧。
荷芰晚波明。穴鼠能人拱。池鷺類鶴鳴。

蕭條阮遙集。幾展了餘生。

垂虹亭

虛閣春城外。澄湖暮雨邊。飛雲忽入戶。去鳥欲窮天。林屋青西映。吳松碧左連。登臨感時物。快吸酒如川。

題畫贈王仲和

曾住南湖宅。于今已十年。叢筠還自翳。喬木故依然。雨雜鳴渠溜。雲連煮木煙。

何時重相過。爛醉得佳眠。南湖陸子素高士幽居今

王君仲和居之水木清華戶庭幽邃余嘗寓其家四年翛然忘世慮也仲和以此幀素畫竹石畫已并詩其上以寫憐憫之懷予素仲和外舅也故尤感余故人思之已

桂花

桂花留晚色。簾影澹秋光。靡靡風還落。菲菲夜未央。玉繩低缺月。金鴨罷焚香。忽起故園想。冷然歸夢長。

秋望

郭鈺

一葉動巖壑。秋風生滿林。片雲隨雁度。
疏雨結蟬吟。燕馬關山遠。吳船歲月深。
歸來蘇季子。何用苦多金。

憶從弟鐸

憶昨王師提。還鄉近五年。艱危惟我共。
俯仰得誰憐。茅屋秋風裏。烽煙夕照邊。
亂離今轉甚。思爾只高眠。

日暮江邨雜興

葉顯

釣艇已收綵。無人深閉門。雲生沙上石。
月出水南邨。寂寞寒潮遠。微茫煙浪昏。
孤舟中夜笛。感慨動吟魂。

武昌南湖度夏

丁鶴年

南浦幽棲地。當門罨畫開。青山入雲去。
白雨渡湖來。石潤生龍氣。川光媚蚌胎。
芙蓉三百頃。何處著炎埃。

餘杭四月

白珽

四月餘杭道。一時生意繁。朱櫻青豆酒。
綠草白鵝邨。水滿船頭滑。風輕袖影翻。
幾家蠶事動。寂寂畫門關。

郡樓

龔璠

久客有遠思。有興登郡樓。聊為避暑飲。
更學御風游。臺翠城南面。雙虹水北流。
流將五湖去。葉葉采蘋舟。

次韻謝錢興之

吾邱衍

筆翰西臺妙。文章五鳳樓。美才須比玉。
直道豈如鉤。吳苑辭春色。江風散旅愁。
吾廬正蕭颯。二仲得羊求。

得邛大用書復寄 楊奐

百年真夢寐。萬國久風塵。老去偏相憶。
書來眼不頻。垂鷹猶在洛。王粲未歸秦。
谷口知何似。他時願卜鄰。

南居寺

何中

開戶未從容。出門誰適從。
聊隨碧溪轉。忽與白鷗逢。
小雨十數點。澹煙三四峯。
峰峰看不足。山寺已鳴鐘。

饒州道上

新晴破積陰。淑氣泛行襟。
千里山河眼。百年耆舊心。
霞飛滄海遠。煙入綠邨深。
學劍江東者。茫茫不可尋。

陳家源

翠霧斷崖側。丹霞流水西。
竹從幽處密。松自古來欹。
落葉半藏路。清風時滿溪。
仙家元不遠。未許衆人知。

立秋夕作

但覺焦原苦。何當沛澤流。
夕風微報響。古木暗藏秋。
未事冥難測。閒心遠作愁。
亂山高下碧。煙靄澹浮浮。

辛亥元夕二日

頑坐故貪默。忽行時自言。寒沙梅影路。
微雪酒香。蛸時序。鬢髮改。人家童稚喧。
街頭試燈候。不到郭西門。

衡湘驛

傅若金

烽火連諸郡。旌旗轉百蠻。野鷺先客至。
江雁及春還。吳楚青天迥。瀟湘白日閑。
登臨慰懷抱。况復近鄉關。

金陵晚眺

金陵古形勝。晚望思迢迢。白日餘孤塔。
青山見六朝。燕迷花底巷。鴉散柳陰橋。
城下秦淮水。年年自落潮。

送雲閒師游浙

杖錫違蕭水。風帆向武林。海紅秋樹遠。
江黑暮鐘深。雲起通香氣。潮來合梵音。
亦知無住著。隨處得安心。

元壽齋文集卷四
送趙宗吉編修代祀西嶽

雅琥

北上函香去。西南致禮勤。蜀山千丈雪。

秦嶺萬重雲。驛騎鳴金勒。宮袍祭錦衣。

白頭抱關吏。自羨識終軍。

成廷珪

登望江亭

長江不可極。汗積獨登臨。潮信自朝暮。

山光無古今。碑亭流水涸。葦路積苔深。

欲寫興亡恨。西風萬葉吟。

雁山湖泛舟過甯伯讓莊所

湖上足清晝。雨餘生綠陰。扁舟到城近。

曲港入村深。野叟頻相問。郎君不可尋。

西菴肯分席。吾亦老山林。

夜過吳江聖壽寺宿復中行方丈

深夜扣禪扃。天寒月在庭。鳥棲鷺後樹。

僧掩讀殘經。蔓草風吹白。枇杷雪洗青。

對牀聽法語。心孔愈惺惺。

對客暮坐

劉誥

危坐高齋夕。東來喜友生。空庭疎雨後。
四壁亂蛩鳴。燭至瓶花落。秋涼架藥輕。
西頭動刀尺。澹月上櫺櫺。

湖上

薛漢

一舸泛霜晴。湖波寒更清。平堤連野色。
遠市合春聲。塵土浪終日。山林負半生。

回頭夕陽外。煙渚白鷗輕。

過臨平

吳景奎

舟過臨平後。青山一點無。大江吞兩浙。
平野入三吳。逆旅愁聞雁。行庖只鱸鱸。
風帆如借便。明日到姑蘇。

九月一日清溪道中

曹文晦

老樹依沙岸。柴門上下鄰。斷橋歸郭路。

細雨過溪人。白鷺雙飛去。黃花數點新。
惜無遺世友。聯句坐苔茵。

送僧歸嚴陵 郊 韻

春船上瀨急。歸路石濺濺。白石百花靜。
清江初月圓。偶逢林下叟。為語竹間禪。
明發遙相憶。青山生暮煙。

題宋氏綠野莊

莫泊蘭陵郡。朝暹綠野莊。飛花渡江澗。

垂柳蔭門長。埽地春陰合。梳頭荷氣涼。
幾時重著屐。來此話滄浪。

和楊伯謙韻 劉永之

酌酒長松下。垂蘿拂酒杯。異禽窺藥鳥。
乳鹿臥書臺。澗水穿林去。山雲帶雨回。
相期同結屋。不厭野人來。

雲門道中 金 涓

三月山南路。邨邨叫杜鵑。白雲千嶂曉。

斜月一溪煙水冷。長松并春香。小薺田。何時移別業。來往繡湖邊。

渡洛

麻革

泉石經行久。林邱弭望閒。溪鳴風蕩水。谷暗雨含山。淡淡輕鷗沒。飛飛倦鳥還。世緣良自苦。空羨野雲閒。

青華觀西軒

盧摯

琳宇夏天曉。官曹今日閒。深松欲無路。

疎竹不遮山。靜對黃冠語。時看白鳥還。平生林壑趣。聊復此窓間。

暮春

陳德永

山館青春老。溪扉白露斜。微風起新絮。小雨落餘花。蜜滿蜂登課。泥香燕作家。物情猶好在。人事益紛拏。

題豫章楊季子水北山房

潘純

舊聞楊季子。水北有山房。竹色長年綠。
松陰五月涼。雨絲深釣渚。風帙散書牀。
亦欲相從去。江波不可航。

田舍寫懷

許恕

開荒臨水驛。草蔓一何深。細雨滋牛力。
新晴慰客心。稍看田野闢。不異虎狼侵。
麥飯香連屋。歸耕傍綠陰。

送于彥成歸越次郊九成韻

瞿智

匡山于外史。上越有歸舟。久負江湖約。
寧知歲月流。瓊書天上鶴。淥水鏡中鷗。
一曲真幽絕。當追賀監遊。

元詩別裁集卷五

姚培謙述齋

雲間張景星二銘點閱

王永祺補堂

七言律

橫波亭為青口帥賦

元好問

孤亭突兀插飛流
氣壓元龍百尺樓
萬

七律

元詩別表卷五
里風濤接瀛海千年豪傑壯山邱
躑躅星淡月魚龍夜老木清霜鴻雁秋
倚劍長歌一杯酒浮雲西北是神州

潁亭

潁上風煙天地迴潁亭孤賞亦悠悠
秦威碧水雙鷗靜落日青山萬馬來
勝概銷沉幾今昔中年登覽足悲哀
遠遊擬續騷人賦所惜忽忽無酒杯

被檄夜赴鄧州幕府

幕府文書鳥羽輕敝裘羸馬月三更
未。能。免。俗。私。自。笑。豈。不。懷。歸。官。有。程。十。里
陂塘春鴨鬧一川桑柘晚煙平
此生只合田間老誰遣春官識姓名

出都

漢宮曾動伯鸞歌事去英雄可奈何
但見觚稜上今爵豈知荆棘臥銅駝
神仙

不到秋風客富貴。空悲春夢婆娑行。過蘆
溝。重回首。鳳城平日五雲多。

寄劉繼先

清霜茅屋耿無眠。坐憶分携一慨然。楚
客登臨動歸興。謝公哀樂感中年。淒涼
古驛人煙外。迤邐荒山雪意邊。千樹林
風水揚柳。待君同載雪簑船。

送樊順之

弓刀十驛岳蓮州。渭水秦山得意秋。王
粲從軍正年少。庾郎入幕更風流。寒鄉
況味真難助。清鏡功名屬虎頭。寄謝溪
風亭上月。老夫乘興欲西游。

高亭

劉因

高亭雲錦繞清流。便是吾家太一舟。山
影酒搖千疊翠。雨聲窗納一天秋。襟懷
灑落景長勝。雲影空明天共遊。笑向白

鷗閒塵世幾人曾。信有滄洲。

夏日飲山亭

借住郊園舊有綠。綠陰清晝。靜中便字。
鉤意釣魚亦樂。高枕臥遊山。自前露引。
松香來酒盞。雨催花氣潤。吟幾人來。每
闕農桑事。考證牀頭種樹篇。

和劉明齋海棠

年

獻

人物當今第一流。以花為屋玉為舟。曉

妝未許寒幃看。夜醉何妨秉燭遊。錦里
宣華思舊夢。黃州定慧起新愁。何如歸
伴徐公飲。穩結一巢花上頭。

陪阮使君遊玉几 戴表元

花滿車茵酒滿船。亂雲堆裏訪枯禪。林
深何處無芳草。人靜有時聞杜鵑。神屋
晝飛青嶺磴。靈潭陰罩赤蜿蜒。居然悟
得松風夢。回首廬山二十年。

十月朔旦寄貴白兄弟

黃牛邨前秋葉飛，青螺峰外海雲歸。
故人相思雪滿鬢，客子獨行風舉衣。
烏鵲定占誰屋喜，鱸魚知比去年肥。
當時歌酒江湖上，百里音書今亦稀。

田家雜興二首

方夔

樵路通邨暗，蒺藜數椽茅。
蕪護疎籬陰，陰清撼風生。
樹拍拍蒼鵝，水滿陂記日。

旋鉅燒地粟上時，新賣落車絲。
晚晴慚媿逢端午，醉臥黃昏自不知。

兩兩蒼髯笑杖藜，荷裙兒女隔笆籬。
斜陽鴉噪燒錢社，細雨牛眠放牧陂。
酒熟十干沽玉滷，麪香三丈卷銀絲。
客來偶及興亡事，說與衰翁也自知。

晚眺

依稀風景小，羗邨不欠東屯稻。
菽園阿

魏擣香風送響離胡孽至水開痕招邀
紫翠山當座標撥紅黃菊上盆世上去
來俱是客隨風吹送夢歸魂

越州道中

熊銖

野田秋溜正潺潺新翠喬林繞舍環淡
日凝煙橫別浦斜風吹雨過前山柴扉
初放牛羊出漁艇方攜蟹蛤還自笑平
生愛造覽天教長在水雲間

次韻子封承之遊梳花塢

陳深

閨門行樂送韶華閑訪城陰野者家黃
鸝得晴飛葉葉翠禽隔浦啄桃花衡門
倒屣臨官路古渡橫舟閣淺沙亦有詩
人時一到醉吟行盡夕陽斜

與師言客錢塘凡三月餘師言歸
後作詩奉寄

袁易

燈花猶記別時紅。為報君歸我亦來。豈
意黃塵迷瘦馬。尚滄青眼送飛鴻。群山
積雪清相射。千樹寒梅望欲空。何遜揚
州才思減。試煩妙語喚春風。

春雨漫興

日日春陰祇欲眠。強尋南陌復東阡。猶
殘碧樹花多少。莫惜金尊酒十千。翠管
烏絲題往事。玉簫錦瑟負華年。愁來祇

對西山坐卷起。踈簾翠翠接天。

江上平蕪望欲迷。江邊密雨細如絲。冥
冥白晝飛花急。漠漠青林度鳥遲。春事
又當三月莫。人生那得百年期。誰能苦
惜纏頭錦。喚起嬌嬈舞柘枝。

老馬

郝經

百戰歸來力不任。消磨神駿老駸駸。垂
頭自惜千金骨。伏櫪仍存萬里心。歲月

言身表集 卷五
淹延官路香風塵在尊塞垣深短歌聲
斷銀壺缺常記當年烈士吟

落花

彩雲紅雨暗長門翡翠枝餘萼綠痕桃
李東風蝴蝶夢關山明月杜鵑魂玉闌
煙冷空千樹金谷香銷謾一尊狼籍滿
庭君莫掃且留春色到黃昏

過沙溝店

王惲

高柳長塗送客吟暗驚時序變鳴禽清
風破暑連三日好雨依時抵萬金遠嶺
抱枝圍野色行雲隨馬弄輕陰搖鞭喜
入肥城界桑柘陰濃麥浪深

寄鄭信卿參政

程鉅夫

闕下相看未忍分過門誰料不逢君竟
參華省江南去定有新聲天上聞夜靜
每勞瞻紫氣春深幾欲和停雲豫章臺

下南歸路何日論心到夕曛

題閣皂山

吳澄

漢吳仙跡兩峰齊。欲拾瑤華路恐迷。寶殿青紅疑地湧。林巒蒼翠接天低。九重香案分雲篆。八景琅函記玉題。仙鶴翔空清似水。步虛聲在翠雲西。

立春日賞紅梅之作

元淮

昨夜東風轉斗杓。頭楊柳雪纔消。曉來一樹如繁杏。開向孤邨隔小橋。應是一化三嫌粉瘦。故將顏色助花嬌。青枝綠葉何須辨。萬卉叢中奪錦標。

和姚子敬秋懷

趙孟頫

搔首風塵雙短鬢。側身天地一儒冠。中原人物思王猛。江左功名愧謝安。肯啗秋高戎馬健。江湖日短白鷗寒。金尊綠

酒無錢共。安得愁中却暫歡。

聞擣衣

露下碧梧秋滿天。砧聲不斷思絲絲。北
來風俗猶存古。南渡衣冠不及前。肯看
總肥宛騾。裏託。曾泣漢嬋娟。人間俯
仰成今古。何待他時始慨然。

岳鄂王墓

鄂王墓上草離離。秋日荒涼石獸危。南

渡。君。正。輕。衫。襖。中。原。父。老。望。旌。旗。英。雄
已。死。嗟。何。及。天。下。中。分。遂。不。支。莫。向。西
湖。歌。此。曲。水。光。山。色。不。勝。悲。

溪上

溪上東風吹柳花。溪頭春水淨無沙。白
鷗。自。信。無。機。事。多。鳥。猶。知。有。歲。華。錦。纜
牙。檣。非。昨。夢。鳳。笙。龍。管。是。誰。家。今。人。苦
憶。東。陵。子。擬。問。田。園。學。種。瓜。

次韻信仲晚興

蕭蕭殘照晚當樓。寒葉疎雲亂客愁。歲
月蹉跎星北指。乾坤浩蕩水東流。古來
人物皆黃土。少日心情在一邱。獨立無
言風滿袖。青山相對共悠悠。

次韻王時觀

相思吳越動經年。一見情深重惻然。草
木變衰人易老。江湖牢落雁難前。秦山

半出青天上。禹穴遙臨古道邊。欲說舊
遊渾似夢。何時重上剡溪船。

錢唐懷古

東南都會帝王州。三月鶯花非舊遊。故
國金人泣辭漢。當年玉馬去朝周。湖山
靡靡今猶在。江水悠悠只自流。千古興
亡盡如此。春風麥秀使人愁。

紀舊遊

二月江南鶯亂飛。百花滿樹柳依依。落
紅無數迷歌扇。嫩綠多情妬舞衣。金鴨
焚香川上暝。畫船搥鼓月中歸。如今寂寞
莫東風。裏把酒無言對夕暉。

見章得一詩因次其韻

水色清。連日色黃。刺水花淡白。柳花香。即
看時節催人事。更覺春愁惱客腸。無酒
難供陶令飲。從人皆笑酈生狂。城南風

暖遊人少。自在晴絲百尺長。

次韻端文和鮮于伯幾所寄詩

畫舸西湖到處遊。別來飛夢到杭州。百
年底用憂千歲。一日相思似幾秋。苦憶
東南多勝事。空吟西北有高樓。只今賴
有劉公幹。時為新詩解客愁。

張虛靖園菴扁曰歸鶴次韻

袁 楠

招仙遊館梅亭亭。萬疊松寒曉日青。玉
局講殘春換劫。石臺丹在草通靈。紅羊
赤馬悲滄海。白虎蒼龍儼大庭。為愛子
喬坐鶴。黃月涼時許夜深聽。

寄史元叟

故國王孫佩碧蘭。春雲涼月倚朱闌。玉
簫吹起鸞聲轉。金鼎香隨蝶夢殘。碧社
波清堪把釣。黃塵風急倦彈冠。外家文

采惟君在笑我冰髭跨曉鞍

奉和與屯都事秋懷

馬祖常

靈河七夕巧雲稠。墜露聲清夜得秋。月
冷桂花飄左界。山寒荔子落東甌。人憐
紈縞裁衣袂。誰倚蒲葵扇頭。竹影近
窻砧杵急。夢隨南客問行舟。

追和許渾遊溪溪夜回韻

溪水連雲過竹間。溪聲雲影半潺潺。鷓鴣
來近。兒童看熟。鷓鴣下長松。客對閑。每待
月痕侵石。鷓鴣還期。煙色認崇關。人生豈
獨官。為貴好向君王乞。越山

龍虎臺應制

龍虎臺高秋意多。翠華來日似鸞城。天
將山海為城壘。人倚雲霓作綺羅。周鼎
故慚黃竹賦。漢宮空奏大風歌。西京巡

省非行幸。要使蒼生樂至和。

黃州道中

張養浩

濯足常思萬里流。幾年塵迹意悠悠。閑
雲一片不成雨。黃葉滿城都是秋。落日
斷鴻天外路。西風長笛水邊樓。夢迴已
悟人間世。猶向邯鄲話舊遊。

舟次湖口

虞集

江沙如雪水無聲。舟倚蒹葭一雁驚。霜

氣隔蓬纜數尺斗杓掃地已三更拋書
枕畔憐兒子看劍燈前慨友生尚有乘
桴無限意催人搖櫓轉江城

送袁伯長扈從上京

日色蒼涼映紫微時巡毋乃聖躬勞天
連閣道晨留輦星散周廬夜展柔白馬
錦韉未窺紫駝銀笑出蒲萄從官車
騎多如雨祇有揚雄賦最高

城東觀杏花

明日城東看杏花丁寧兒子早將車路
從丹鳳樓前過酒向金魚館裏賒綠水
滿溝生杜若暖雲將雨少塵沙絕勝羊
傳襄陽道蹄騎西風擁鼓笳

宗陽宮望月分韻得聲字

楊載

老君臺上涼如水坐看冰輪轉二更大

地山河微有影。九天風露寂無聲。蛟龍
竝起承金榜。鸞鳳雙飛戴玉笙。不信弱
流三萬里。此身今夕到蓬瀛。

題沈君湖山春曉圖詩卷

迤邐沙隄接畫橋。東風楊柳暗長條。鶯
隨玉笛聲偏巧。鳥受金羈氣益驕。舞榭
歌臺臨道路。佛宮仙館入雲霄。西湖春
色年年好。底事詩翁嘆寂寥。

贈孫思順

天涯相遇兩相知。對榻清談玉屑霏。芳
草謾隨愁共長。青春不與客同歸。薰風
池館蛙聲老。落日簾櫳燕子飛。南浦他
年重到日。湖山應識謝公暉。

題黃隱居秋江釣月圖

范梈

舊識先生隱者流。偶因圖畫想滄洲。新

雲滿路碧窗明月何年青嶂秋世故
風塵雙短屐生涯天地一扁舟何由白
石空磯畔招得人間萬戶侯

夢武昌

揭傒斯

黃鶴樓前鷓鴣洲夢中渾似昔時遊蒼
山斜入三湘路落日平鋪七澤流鼓角
沈雄遙動地帆檣高下亂維舟故人雖
在夢分散獨向南湖看白鷗

送詹尊師歸廬山

香爐峰色紫生煙一人京華路杳然雲
碓秋閑春約水雨犁春臥種芝四書憑
海鶴來時寄劍自潭蛟去後懸忽報歸
期驚倦客獨淹彼祿負中年

開元宮

黃潛

誰使藏舟一夕移紅樓翠幙未全非曾
聞帝子乘鸞去疑有仙人化鶴歸煙溼

元詩另卷五 卷五
月明瑤草歇石壇露冷碧桃稀赤欄橋
畔多時立閑看楊花作雪飛

獨立

數盡飛花一愴然壯心迢遞夕雲邊寸
年人事空流水二月風光已杜鵑過眼
青春寧復得行人黃土絕堪憐故園尚
有平生約可使蒼苔到石田

即事

南陌東阡草色齊悄悄門巷客來稀受
風燕子輕相逐著雨楊花濕更飛綠樹
無言春又盡紅塵如霧手頻揮浮生莽
莽吾何計獨立看雲竟落暉

夏日漫書

枕上初殘柏子香無聲簾外已斜陽碧
山過雨晴逾好綠樹無風晚自涼芳歲
背人成在草好詩和夢落落蒼茫羊求何

不來三徑門掩殘書滿石牀

龍潭山

二月清江照眼明。避風舟楫滿迴汀。
雲。挾。雨。時。時。黑。密。葉。藏。花。樹。樹。青。習。隱。
未成陶令賦行歌。聊共屈原醒碧潭光。
景無消息坐看魚兒點翠萍。

次韻魯參政觀潮 柳貫

怒潮卷雪過樟亭。人立西風酒旆青。

穀行天。淪左界地。機激水出東溟。倒排
山嶽窮千變。闔闔雲雷凍百靈。望海樓
頭追勝賞。坐中賓客弁如星。

次伯長待制韻送王總學修撰馬伯庸應奉扈從上京

山圍黑谷翠漫漫。獨許詞臣息馬看。
蹕道雲開朝采正。蹄林風定雪花乾。
賦成特易其辭。辨別宴出初擎碼。磁盤歲歲入

七律

州人望幸鈞陳旗尾認朱竿

次韻伯庸待制上京宮直書事因
以為寄

舉頭涼影動明河。問訊仙人八月槎。
下。孤光懸太白雲間。長御挾纈阿霓裳。
催按新聲遍。感語需承曲宴多。一代詞
華歸篆刻龍文。還欲映珊瑚。

松翠新裁似鶴翎。手中雲影落深青。官

花忽動紅千帳。禁柳齊分綠半櫺。金掌
擎。秋調玉屑銅。渾窺夜約銀釘。不知太
史朝來奏。東壁光聯第幾生。

烏桓落日稍沉。西南極青山女堞低。
谷。夏泉經雨漲。龍堆秋草拂雲齊。一
祠檢將芥玉。萬里丸封不用泥。儂直夜
涼談往事。乘車猶欲避雞栖。

送張明德使君赴南恩州

幾許炎州畫。暮山西風驅。向馬前看詩。
人舊志三刀。喜邊候新乘。一障安時取。
椰漿斟玉液。饒將桂露薦。離懸雪花定。
此常年大燕。寢香疑夜氣寒。

贈劉雲江宗師

陸都刺

羽人推轉阿香車。童子穿松拾翠華。天
上賜衣雷雨露。山中詩錦織雲霞。瑤臺
紫氣秋橫劍。石室丹光夜走砂。擬借茅

君三曰鶴乘風騎到王皇家

三衢馬太守昂夫索題爛柯山石

橋

洞口龍眠紫氣多。登臨聊和采芝歌。爛
柯仙子何年去。鞭石仙人此地過。鳥鷲
橫空秋有影。銀河垂地水無波。遙知題
柱凌雲竅。天近應聞織女梭。

臺山懷古

元守詩集卷之七律

三

越王故國四圍山雲氣猶屯虎豹關
銅獸暗隨秋露泣海鴉多背夕陽還
一時人物風塵外千古英雄草莽間
日暮鷓鴣鳴喚更急荒臺叢竹兩斑斑

過廣陵驛

秋風江上芙蓉老階下數株黃菊鮮
落葉正飛揚子渡行人又上廣陵船
寒砧萬戶月如水老雁一聲霜滿天
自笑樓

遲淮海客十年心事一燈前

次韻登凌歊臺

山勢如龍去復迴閑雲野蔓護重臺
離宮夜有月高下輦路日無人往來
春色不隨空國盡野花只作舊時開
斷碑衰草荒煙裏風雨年年上綠苔

次友人春別

宋无

波流雲散碧天空魚雁沉沉信不通
坳

柳昏黃晚西月梨花明白夜東風秋千
庭院人初下春半園林酒正中背倚闌
干思往事畫樓魂夢可會同

和維揚友人

陳旅

揚子江頭水拍天人家種柳住江邊吳
娃盪槳潮生浦楚客吹簫月滿船錦纜
憶曾遊此地瓊花開不似當年竹西池
館多紅藥日夜題詩舞袖前

送宜黃劉縣尹

寶劍收成即遠遊即心何似妾心憂
茜裙香濕芙蓉雨翠袖涼生薜荔秋江北
長愁寧滯酒周南多病莫登樓海門潮
落江瑤美能把千金買越舟

聽松軒為丹邱杜高士作

張翥

長松千樹擁前榮虛籟還從樹底鳴一

長松千樹擁前榮

張翥

片海壽雲杪墮幾番山雨月中生茶香
夜煮苓泉活琴思秋翻鶴帳清安得南
華老仙伯相隨軒上說風聲

憶吳興

憶汎茗華溪上船故人為我重留連半
山滄寺藏雲樹繞郭樓臺在水天白梧
戴歌明月裏青帘沽酒畫橋邊計籌山
下先登在欲往澆松定幾年

憶維揚

蜀岡東畔竹西樓十五年前爛漫遊豈
意繁華今劫火空懷歌吹古揚州親朋
未報何人在戰伐寧知幾日休惟有滿
襟狼籍淚何時歸灑大江流

秦淮晚眺

赤欄橋下暮潮空遠火疎舂曉靄中星
月半天分落照斷雲千里附歸風嚴城

鼓角秋聲早故國山川王氣為莫訝時
來一長望越冷荆賦惡無窮

郡城晚望覽臨武臺故基

全晉山川氣象開滿城煙樹擁樓臺
土風舊有堯時俗人物今無楚國材
千嶂晚雲原上合兩河秋色雁邊來
昔時勝賞空陳迹落日登臨畫角哀

送詩宏毅應奉赴興國路經歷

貢師泰

院門深鎖落松花車馬接蓬萊
小海斜絳蠟夜深催視草紫泥春
蚤聽宣麻鳳凰池上人辭直鴻雁
江南客過家幙府秋來清似水
吟詩應對白鷗沙

送東流葉縣尹

江流東下縣南邊一簇人烟野岫
自迤菰筍洲青鷗鳥狎楊花浪白
鱗魚鮮印來

元詩別裁集 卷五
聚吏排衙鼓社到隨民出俸錢。應是繡
衣行部處。攔街齊頌長官賢。

朱仲文編修還江西諸公分題賦
詩為餞予。遠同華南歸約至揚子
橋分別。因為賦此。

瓜洲渡口山如浪。揚子橋頭水似雲。夾
岸芙蓉紅旖旎。滿汀楊柳綠紛紛。一杯
酒向今朝別。萬里船從此地分。他日重

來。須臾樓莫教驚散白鷗羣。

贈天台李鍊師

翠蛟青鳳下晴空。家住天台第幾重。歲
久松肪成琥珀。夜深丹氣出芙蓉。仙童
奏簡騎文虎。太乙懸旗起絳龍。昨夜從
師到天上。故山還著白雲封。

次段吉甫助教春日懷江南韻

廼賢

花底開尊待月圓。羅衫半濕酒痕鮮。一
年湖上春如夢。二月江南水似天。修禊
無懷王逸少。聽歌却憶李龜年。卜鄰擬
住吳山下。楊柳橋邊畫舫。

睡燕

謝宗可

補遺。御罷落花泥。困頓東風倦翼低。金
屋。長隨蝶化。雕梁春盡。怕鷓鴣魂飛。
漢殿人應老。夢入烏衣。路轉迷。却怪卷

簾人喚醒小橋深。巷夕陽西。

城外見杏花

吳師道

曲江二十年前會。回首芳菲似夢中。老
去京華度寒食。閑來野水看東風。樹頭
絳雪飛還白。花外青天映更紅。聞說琳
官更佳絕。明朝攜酒訪城東。

秋日

周權

石脈泉花葉眼明。竹根沙路舊經行。雲

歸天際山容澹。日落江頭雁影橫。梧葉
庭除秋漸老。豆花籬落晚初晴。客行迢
遞歸心遠。煙火蒼茫起莫程。

晚春

輕車繁吹尚紛紜。紫麥香浮紫陌塵。杜
宇青山三月暮。桃花流水一溪雲。東風
旗旆亭中酒。小雨闌干柳外人。何許數
聲牛背笛。天涯芳草正斜曛。

和嵯縣梁公輔夏夜泛東湖

表士元

短棹乘風湖上遊。湖光一鑑湛於秋。小
橋夜靜人橫笛。古渡月明僧喚舟。鷺浦
藕花初過雨。漁家燈影半臨流。酒闌興
盡歸來後。依舊青山繞客樓。

舟過石門梁安峽 黃鎮成

書畫船頭載酒迴。滄洲斜日隔風埃。一

雙白鳥背人去無數青山似馬來天際
兩帆梁峽出水心雲寺石門開同遊有
客如高士授簡惟慚賦峴臺

和薩天錫留別張貞居寄倪元鎮

鄭元祐

梁溪歲暮若為情溪上梅花待曉晴
雪冷埋山屐齒簷冰夜墮石牀聲
內篇攜向松根讀如意持將竹裏行
短畧何

能理幽事南窗翦燭話寒更

七月七日同宋顯夫學士暨經筵
僚屬遊上京西山紀事二首

周伯琦

聯岡疊阜衛神都萬幙平沙八陟圖朝
市星垣周社稷宗藩盤石漢規摹官隄
亘野豐青草禁籞深林暗碧榆地闢天
開到今日九重垂拱制寰區

盤盤絕頂撫崢嶸。日盡天涯一掌平。海
氣騰空搖鐵刹。山風卷霧淨金城。鞞鷹
秋健諸酋帳。苑馬宵肥七校營。相顧依
然情未已。攜壺明日約同傾。

題玉山草堂

陳基

隱居家住玉山阿。新製茅堂接薜蘿。弱
翠飛來春雨次。麝香眠處落花多。竹枝
已聽巴人調。桂樹仍聞楚客歌。明日扁

舟入青浦。不堪離思隔滄波。

留別賽景初

張憲

暖。雲。將。雨。驟。陰。晴。四。月。羅。衣。尚。未。成。萬
點。愁。心。飛。絮。影。五。更。殘。夢。買。花。聲。方。空
越。白。承。恩。厚。繡。襖。諸。子。照。道。明。自。笑。窮
途。不。歸。去。空。懷。漫。刺。問。閭。城。

錢塘懷古率堵無傲同賦

楊維禎

天山乳鳳飛來小南渡衣冠又六朝
劫火自焚揚鞭塔箭鋒猶抵伍胥潮
麟光夜附山精出龍氣秋隨海霧消
惟有宮人斜畔月多情還自照吹簫

寄衛叔剛

二月春先如酒濃好懷每與故人同
杏花城郭青旗雨燕子樓臺玉篴風
錦帳將軍烽火外鳳池仙客碧雲中
憑誰解

釋春風恨只有江南盛小叢

無題效商隱體四首

與袁子英同賦

當軒隊子立紅靴龜甲屏風擁絳紗
公子銀瓶分汗酒佳人金勝翦春花
曲調青鳳歌聲轉觥進黃鵝舞勢斜
五十男兒頭未白臨流洗馬走紅沙


主家院落近連昌燕子歸來舊杏梁
金埒近收青海駿錦籠初教雪衣娘
卷衣

甲帳春容曉吹笛西樓月色涼今夜阿
鵝新進剝黃金小帶荔枝裝

二月皇都花滿城美人多病苦多情一
雙孔雀銜青綵十二飛鴻上錦箏酒掬
珍珠傳玉掌美分甘露倒銀罍不堪容
易少年事爭遣狂夫作後生

天街如水夜初涼照室銅盤壁月光別
院三千紅芍藥洞房七十紫鴛鴦繡靴

踟躕白驢掛羅帕垂鸞女直妝願爾康
強好眠食百年歡樂未渠央



元言易書全
卷五

三

